



COMUNE DE PÀDRIA

Provìntzia de Tàtari

DELIBERATZIONE DE SA GIUNTA COMUNALE N. 5 DE SU 21/01/2026

OGETU: Commemoratzione de sa Die de sa Memòria e de sa Die de s'Ammentu annu 2026. Diretivas.

S'annu duamìgia e bintises, sa die bintunu, de su mese de Ghennàrgiu a sas 15:30, s'est reunida in sa SEDE DE SA GIUNTA, acumpridas in antis sas formalidades prevididas dae sa Lege de s'Istadu e dae s'Istatutu, sa Giunta Comunale suta sa presidèntzia de su Presidente SÌNDIGU DUT. MURA ALESSANDRO.

A s'apellu numenale resurtat:

CÀRRIGA	SAMBENADU E NÙMENE	PRESENTE
SÌNDIGU	DUT. MURA ALESSANDRO	EMMO
VITZESÌNDIGU	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO
ASSESSORE	SERRA ANTONIO	EMMO

Presentes n° 4 Ausentes n° 0

Partètzipat su Segretàriu Comunale SEGRETÀRIU COMUNALE DUT. RIU FRANCESCO, chi pruvìdit a redatzionare custu verbale.

Leat sa Presidèntzia su Presidente SÌNDIGU DUT. MURA ALESSANDRO, chi reconnota legale s'adunàntzia, decrarat aberta sa setziada pro trattare s'ogetu mentovadu in subra.

SA GIUNTA COMUNALE

Premìtidu chi:

- sa lege 20.7.2000, n. 211, chi cuntenet dispositziones subra de “Istituzione de sa Giorno de sa Memòria in ammentu de su disacatu e de sas pessighiduras de su pòpulu ebràicu e de sos militares e politicos italianos in sos campos nazistas” reconnoschet in sa die de su 27 de ghennàrgiu, data de sa destruida de sos cantzellos de Auschwitz, comente “**Die de sa Memòria**”;
- sa lege n. 92 de su 30 de martzu de su 2004 at istituìdu, puru, pro su 10 de freàrgiu sa “**Die de s’Ammentu** pro ammentare sas vùtimas de sas “foibe” pro “remonire e annoare sa memòria de su disacatu de sos italianos e de totu sas vùtimas de sas “foibe”, de su disterru de sos istrianos, fumanos e dalmatas dae sas terras issoro, in su perìodu pustis de sa segunda gherra manna”;

Reconnotu chi pro ambas sas ricurrèntzias sas normas apostìvigant in cabu a sas istitutziones s’organizatzione de abojos, inìtziativas e momentos comunes de contos de fatos e de meledos de sos fatos e de meledu subra de su significadu issoro e contenu istòricu;

Evidentziadu chi su Comune de Pàdria, puru cunforma a sos printzìpios de s’Istatutu pròpiu, cheret ammentare ambas sas ricurrèntzias;

Reconnota s’oportunidade de dare a su Responsàbile de Servìtziu Finantiàriu diretivas oportunas pro s’ammentu de sa **Die de sa Memòria** e de sa **Die de s’Ammentu** pro s’annu 2026;

Averiguadu chi:

- s’ispesa a càrrigu de su Comune pro s’organizatzione de sas atividades est istimadu in € 760,00 in totu;
- sa disponibilidade de custa summa est averiguada in sa missione 01, programma 01 -Tit. 1 de su Bilàntziu de Previsione 2026/2028, esertitziu 2026;

Bidos:

- su DUP 2026-2028 aprovalu cun deliberatzione de su Consìgiu Comunale n. 32 de su 22/12/2025;
- su Bilàntziu de previsione finantiàriu 2026-2028 aprovalu cun deliberatzione de su Consìgiu Comunale n. 33 de su 22/12/2025;
- su PIAO 2025 - inclùida sa sutasetzione de programmatzione: “Arriscos de corrutzione e trasparenzia aprovalu cun deliberatzione de sa Giunta Comunale n. 19 de su 07/04/2025;
- s’Istatutu Comunale in vigèntzia;
- su Regulamentu de Contabilidade in vigèntzia;
- su D.lgs n. 267/2000 e mm.mm.ii.;

Achisidos, subra de proposta de deliberatzione, sos parres a favore espressados cunforma e pro sos eftos de sos cales a s’art.49, comma 1, de su D.Lgs. 267/2000 e mm.mm.ii. dae su Responsàbile de su Servìtziu Finantiàriu in òrdine a sa regularidade tècnica e contàbile;

Riferidu chi subra de sa matessi proposta de deliberatzione n. 24 de su 19/01/2026 est istadu fatu, cun èsitu a favore, su controllu in su matessi tempus de regularidade amministrativa a incuru de su Segretàriu comunale;

Reconnota sa cumpetèntzia pròpia cunforma a sas dispositziones normative, istatuàrias e regulamentare in vigèntzia;

Intesa sa relata acraridora contivigiada dae su Sìndigu, agiudadu dae su Segretàriu comunale;

Reconnota s’oportunidade, in acordu cun sa proposta tècnica sobrada dae sos ufìtzios, de protzèdere a s’aprovatzione de custa deliberatzione pro sas finalidades in ogetu;

Evidenziadu chi custa setziada de sa Giunta Comunale s'est acumprida in modalidade in parte telematica, cunforma a su Regulamentu subra de su funtzionamentu de sa Giunta comunale aprovadu cun deliberatzione **G.C. n. 19 de su 06/04/2022.**

Reconnotu chi totu sos partetzipantes a sa setziada:

- ant pòtidu àere in antis bisione e disponibilidade de sa proposta de deliberatzione chi pertocat s'ogetu;
- ant àpidu s'oportunidade de partetzipare a sos traballos de sa Giunta Comunale de oe in presèntzia (Mura e Dettori) o in modalidade telematica (Marica e Serra) siat in relata a sa dibata siat in òrdine a sa votatzione, cun su controllu sighidu de su Segretàriu comunale;

cun votos a favore totu de acordu, espressados a manera legale, cunforma a cantu indicadu in subra

d e l i b e r a t

De fàghere pròpias sas premissas narrative e motivatzionales a custu dispositivu cunsiderende las iscritas inoghe de su totu;

De approvare, pro custu su programma generale chi sighit pro ammentare sa “Die de sa Memòria” e de sa “Die de s'Ammentu” pro s'annualidade 2026:

Die de sa Memòria (27 de ghenàrgiu)

- depositzione de sa corona de froes beneita in onore de sos mortos de sa *Shoah* in sa Domo Comunale;
- aboju in biblioteca in ue b'at a èssere unu tretu mostra subra de s'argumentu e b'ant a èssere leturas e meledos cun pitzinnos e pitzòcos;
- momentu de ispàssiu;

Die de s'Ammentu (10 de freàrgiu)

- depositzione e beneditzione de una corona de froes in onore de sos mortos de sas *Foibe* in su parcu “Martiri delle Foibe”.
- Aboju in biblioteca in ue at a èssere ammaniadu unu tretu mostra subra de su tema e ant a èssere fatas leturas e meledos cun sos pitzinnos e pitzòcos;
- Momentu de ispàssiu;

De reconnòschere chi s'organizatzione de sas atividades mentovadas in subra cajonat un'ispea complessiva massima de €. 760,00 (de sos cales € 260,00 pro comporare sa corona de froes), disponibile in sa missione 01-programma 01 de su titulu 1 de su Bilàntziu de Previsione 2026/2028, esertzitziu 2026;

De incàrrigare su Servitziu Amministrativu-Contàbile-Sotziale s'adotzione de totu sos atos chi, cunsighint e netzessàrios a cantu apostivigadu dae custu deliberadu;

De decrarare, cun àtera votatzione a favore, custa deliberatzione luego esecutabile, cunforma a s'art. 134, comma 4, de su D.Lgs. 18.8.2000 n. 267, bida s'urgèntzia de assicurare su perfetzionamentu de sas finalidades suas.

PARRE DE REGULARIDADE TÈCNICA

Su Responsàbile de su Servitziu cunforma a s'art. 147/bis de su TUEL 267/2000 e de s'art. 11 de su Regulamentu subra de sos controllos internos in òrdine a sa proposta n.ru 24 de su 19/01/2026 espressat parre a **FAVORE**.

Parre firmadu a manera digitale dae su Responsàbile de su Servitziu RESP. ÀREA AMMINISTRATIVA / FINANZIARIA ARCA MARIANGELA in data 19/01/2026

PARRE DE REGULARIDADE CONTÀBILE

Su Responsàbile de su Servìtziu, cunforma a su D.Lgs. 267/2000 art. 151 c. 4, in òrdine a sa regularidade contàbile de sa Proposta n.ru 24 de su 19/01/2026 espressat parre: A **FAVORE**

Parre firmadu a manera digitale dae su Responsàbile de su Servìtziu RESP. ÀREA AMMINISTRATIVA / FINANTZIÀRIA ARCA MARIANGELA in data 19/01/2026.

LÈGHIDU APROVADU E SUTASCRITU

Su Presidente

SÌNDIGU
DUT. MURA ALESSANDRO

Su Segretàriu Comunale

SEGRETÀRIU COMUNALE
DUT. RIU FRANCESCO

NOTA DE PUBLICATZIONE N. 49

Su 26/01/2026 est publicada in s'Albu Pretòriu sa Delibera de Giunta N.ru 5 de su 21/01/2026 cun ogetu: **Ammentu de sa Die de sa Memòria e de sa Die de s'Ammentu annu 2026. Diretivas.**

At abarrare afissada pro 15 dies cunforma a s'art 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada dae su SEGRETÀRIU COMUNALE DUT. RIU FRANCESCO su 26/01/2026.

·Còpia digitale de documentu informàticu firmadu e produidu cunforma a su Dlgs 82/2005 e normas respetivas
cullegadas